

趙城縣志

卷一至卷三

翻印序



趙城縣志自清道光七年知縣
事楊公延亮纂修而後洎民國
改元聞有邑紳依原編翻印若
干部用存徵也蓋一縣之縣志
一縣之文獻所繫焉若失墜弗

傳則於山川形勢名勝古蹟人
文政教胥無所憑藉矣奚可哉
然歆纘緒前人從事修輯則其
間應補事畧不惟紀載傳述均
無從採詢而稽考須經歲月藝
文須藉鴻才是在一綫未斷之

際亦時有所不待人有所難選也余素知縣志所關於治績者綦重故於承乏斯邑之日當即旁詢廣搜無如兵燹之餘焚失殆盡存藏甚鮮結果僅得此編尚係百餘年前楊公纂修舊物

不得已祇將當時易於採輯之碑文數則增入儘先翻印二百部聊踵蕭何先存圖籍之意云爾白山李慎言謹以為序

原叙

志難言矣強為之非謬則俚焉況予少困塵網奔走者將十年自令茲土地瘠而衝驛謁之馳文案之累以此言志尤難之難者然未敢以難謝也邑之志創於前明邑令賀公國定國朝秦安兩公繼之犀浦李氏其最後者也李志作於乾隆庚辰今六十餘年矣地理之沿革營驛之更改風俗人物之流傳其可攷而知者已十遺四五及今不為後之人更安所藉手丙戌春乃命邑人訪求近日之人與

趙城縣志

序

一

事以畀予暇輒取而筆之嗣是或駐馬郵亭或肩輿隴上隨時採錄久而成編藁甫就邑人以剞劂請遂稍次其先後并綴數語於簡端覽斯志者正其俚與謬之失而毋笑予之強為其難則幸矣

道光七年歲次丁亥九月知邑事長沙楊延亮書

原序

夫志記也所以紀事實備觀覽昭勸懲也諸省及郡邑咸有志卽古之列國史官室城池職官之類山川陵谷險夷之處地里輿圖廣狹之制戶口田土錢穀多寡之數人才所出物類所產風俗之美惡好尚之同異靡所不載政之大務也孔子言夏禮謂杞不足徵以典籍不存也蕭何入秦先收圖籍可謂知大計矣壬戌歲予尹是邑詢及志皆曰已爲斷簡竊憂之乃與教諭王君念搜於零落之餘稿成將付諸梓適予遷知臨汾未遑也乃遺俸金屬王趙二

趙城縣志

原序

一

廣文成之岐山竇君經繼王君來復屬校正差訛刪益繁缺焉是歲冬王趙二君幕友林君各捐資鳩梓人於肆供其餽廩程其工能次年三月告竣其綱凡八其目凡六十有二披卷之餘趙之山川形勝土田戶口人才政事風俗好尚盡在目中矣夫志豈徒哉生斯土者觀之必曰古有哲人名昭史冊風氣之所鍾也今山川之勝如故也吾生同其地豈可甘於暴棄草木不同朽乎蓋必有感發興起如蘭紀諸公者矣官斯土者觀之必曰前有循吏聲聞古今政教之所致也今人民之眾如故也吾官同其地豈可保

持祿位庸碌無聞乎蓋必有感發興起如董尹諸公者矣
夫志豈徒哉於是乘公事之暇招諸士進曰志已成矣曷
敘諸因述其顛末於簡端云嘉靖四十五年正月獲嘉賀
國定序

原序

龍飛二載上元前兩日奉

命芻牧茲土問邑志僉曰無存矣夫志之爲書紀往蹟而示
來茲志缺則歷代因革無憑稽覈予弗敏承斯邑之乏將
奚所持循以爲撫土安民計乎自夏徂秋訪咨殆遍或索
諸宦裔之家藏或得之諸生之手錄年餘始得彙而成帙
政餘省覽輿圖之廣狹風俗之淳漓爵秩之崇卑歷代互
有推移固無庸輕擬筆削惟是寬徭薄賦拯茅索征廼
聖主浩蕩之新恩當敬謹纂入俾家喻戶曉以振遺黎遂不

趙城縣志

原序

三

避譌陋補新型之未載脩舊章於既脫其諸宮宇圯廢壇
廟傾欹工鉅費繁富鴻雁甫定之時未敢遽商興作然自
茲以往生齒由耗而蕃人文由衰而盛產斯地者必有煥
乎改觀之英傑蒞斯治者亦必有更始恢廓之令猷乘舒
長之化日其輯偏救弊又非醴難夏蟲之識所可計也則
予今日補脩之隱衷有志而未逮者庶幾其少慰乎若夫
山川之秀麗才望之貞烈發之詩辭而形之詠歌者實未
敢謬爲續貂以貽弄斧之誚也已順治二年十一月遼陽
秦嘉兆序

原序

縣之有志由來尚矣山川之形勝英賢之崛起與夫賦稅多寡戶口登耗風俗淳漓上下千古犁然俱備觀風問俗者一披覽焉瞭如指掌後之君子景企前哲得以追模觀型志顧不重哉雖然其在篇殘簡斷之時懿行榮名徃徃衰闕則賴有脩明之人至於明備之日文獻昭著必欲復加校訂焉不幾為贅疣與不知山川如故風會日移後之視今猶今視昔苟其風氣有必開之先雖雲物川岳亦騰光氣而況節義時存士夫三代不絕閭閻者乎若然則志

趙城縣志

原序

四

又安可以不脩哉予初任茲邑甫下車見夫凋敝之後民雖貧苦而生齒猶不至虛耗且其人皆敦本力田樸簡相安穆然見唐風之遺焉迨至春秋躬祀先哲瞻仰遺祠如蘭相如豫讓樊噲紀信諸賢莫不俯仰浩歎慨然想見其為人唯時邑紳士輩屢以增補志書為請予因固陋兼以樗櫟之材值衝疲孔道諸務蠅集日每飲冰茹蘗鞅掌簿書拮据不遑謝不敏者再四己亥歲兩蒙府檄取縣志舊載所未備予因旁求紳士採集成帙而更得博學介眉公董其事凡一端之善不敢或泯務期名必當實足為世道

人心所嘉賴外是而粉飾華詞文雖爾雅擯弗錄焉事竣
邑之紳士又進而謀曰若者既載入府志矣而縣志不可
使闕畧不備予應之曰是也是役也特以補前之所未備
非敢曰塗飾丹青踵事增華為也至於風氣聚而日厚人
文積而必宣今人不讓古人後人尤不讓今人則生此地
道閱歷四載幸免罪戾因紀事之始末附於簡端云順治
十六年章邱安錫祚序

原序

劉知幾以作史貴擅三長志與史相表裏雖所書山川郡邑人物風土不必盡如史之編年紀月也然亦無非記事記言本紀傳而稱實錄則所謂三長若才若學若識者或一缺焉謝不敏矣在趙則更有五難焉袁松之言五難謂煩而不整俗而不典書不實錄實罰不中文不勝質固已邑志自

國朝順治十六年安君錫祚脩輯以來越今百餘年無論

簡編殘缺摸稜不可識觀其敘言及所輯各類由明之季

趙城縣志

原序

六

兵火頻遭先時故實難徵文獻傳什一於千百亦時會之所值耳不絕不備又何譏焉此其難一也昔之典籍既乏考稽今之老成誰與授受徒於空山風雨之餘課虛無以責有叩寂寞以求音此其難二也通志凡例言山西舟楫不通書賈絕跡自來少收藏家趙以叢爾邑諸生講學經史而外博覽無多而名山古蹟之紀載遍諮焉而究無所得僅守殘缺畧事補苴胡為乎此其難三也趙當南北之衝冠蓋往來馳驅絡繹階既乏三長之具又不獲時承筆研稽典冊冀得鴻儒碩學以助不逮而鄙予落落知交益

寡此其難四也一邑之志一邑之事也經費不下千緡既無閒款可以動支又未敢以向無成例者冒昧具請此其難五也則所云五難又非直袁松之所言矣階以戊寅三月之杪抵趙邑之紳士卽以纂脩斯志為言未之許也越明年公具詞以請且言邑有存費以之纂脩邑志俾百年廢墜一旦作興公事孰大焉時郡守秦公過趙階於行館面陳其事蒙許可因城東隅梵宇名紫竹林者開館焉縉紳耆舊各董厥事初呈稿於秦公并請敘奉諭邑之志賢令事也可不列府廳銜名毋須敘階不敢更有請開雕於

趙城縣志

原序

七

己卯十月朔日訖工於庚辰八月望日凡三百旬有五目書凡二十四卷為類五十有一首末不計焉嗟嗟階乏三長更承五難邑之賢士大夫不憚風雨寒暑蚤作夜思以助予不逮者實繁有徒而公頃不數尚三之一未敢更問之襄事乃捐清俸以償焉階思我

朝開國以至於今重熙累洽治化彰明山川靈異益騰光怪其中人文蔚起忠義奮興下及蔀屋茹簷匹夫匹婦繩樞甕牖徒步單寒凡沐教化觀感中和而為孝子悌弟義夫節婦者書之不勝書也非是舉也將潛德幽光若減若

沒其何以輝煌至治而見窮鄉僻壤潛移默化於不自知
乎哉

皇上聖神文武御極二十五年文教之所漸摩武衛之所奮
發俱運以聰明睿知之德使玉關二萬里外盡入版圖亘
古未有之勲一朝耆定

命使周旋多經下邑而陵廟祭告若女媧若中鎮在茲邑者
均得敬謹登載承乏微員駿奔執事亦邀名籍又不特邑
人之幸矣故不辭謏陋拜手稽首而颺言焉乾隆二十五
年成都李升階序

同脩姓氏

分校

趙

城

縣

教

諭王繁祚

趙

城

縣

訓

導弓佩綬

督工

趙

城

縣

典

史章際清

採訪

州

同賈世芳

王步周

趙城縣志

姓氏

一

張式銘

分發

貴州

候補府

經歷

劉毓楠

武

舉郭滿笏

樊彥炳

千

總盧恪

張攀桂

衛厥職

晉人俊

貢

生賈時中

衛殿颺

王仰曾

李清姿

王世基

生衛拜颺

廩

生趙大用

監

任崇德

衛勤

段珩

姓氏

二

趙城縣志

繕寫

庠

生楊恩魁

童

生郭維昀

張世揚

校對

童

生王遐格

張文舉

承辦

禮

書張上達

工

書古高登

趙城縣志

杜氏

三

原脩姓氏

楊二億

平陸恩貢本縣教諭

亢善裁

崞縣歲貢本縣訓導

邵宏遠

順天人本縣典史

張

廣威

平陽人本縣城守

張明

舉人雲南恩樂知縣

劉臺

舉人湖南寧鄉知縣

張聰

舉人襄垣

教諭鄭相武

武舉閻之相

守禦

衛鈞

賈景誼

王廷詩

張博

衛裕

源楊澎

楊大任

劉海

晉居

義閻

煥杜

汝梅

張行

敏劉

翻翼

以上

衛集

發劉

高第

衛境

王種

英申

中一

賈好

德賈

遵謨

王遘

元衛

鳳池

湯以

瑗王

攀龍

湯起

龍湯

元龍

盧注

道衛

據理

衛冀

賢王

嘉德

衛景

瑗張

夢鰲

張澄

清王

高壘

盧鵬

郭鳴

戌郭

夏鼎

周成

玉賈

學江

衛秉

德劉

趙城縣志

姓氏

四

李成

蹊賈

鎰劉

誥衛

官賢

喬聚

英衛

天福

劉鵬

張遇

于都

王璿

張夢

瑞王

嘉誥

以上生員

衛之

堂張

扶賈

紹誼

李呈

秀張

夢飛

劉爾

康楊

桂籍

班秩

衛坤

張恂

史記

王爾

楨張

夢賚

衛又

瑗張

天秩

以上童生

趙城縣志總目

長沙楊延亮纂著

卷之首 志議

圖考

卷之一 疆域

卷之二 沿革

卷之三 星野

卷之四 山川

卷之五 城池

趙城縣志

總目

一

卷之六 坊里

卷之七 署廨

卷之八 驛鋪

卷之九 營汛

卷之十 津梁

卷之十一 水利

卷之十二 倉儲

卷之十三 賦役

鹽法附

卷之十四 學校